

TITULUS III.

BENEDICTIONES PROPRIÆ NONNUL-
LORUM ORDINUM REGULARIUM.

*Quæ sequuntur benedictiones,
nonnisi a Sacerdotibus
specialem facultatem habentibus adhi-
beri possunt.*

BENEDICTIO ET IMPOSITIO

SCAPULARIS SS. TRINITATIS

*(Propria Ordinis Ss. Trinitatis Redemptionis
Captivorum.)*

*Sacerdos indutus superpelliceo et sto-
la albi coloris, dicit:*

- V. Adjutorium nostrum in nóm-
ine Dómini.
R. Qui fecit cælum et terram.
V. Dóminus vobiscum.
R. Et cum spíritu tuo.

Orémus.

Dómine Jesu Christe, qui tégumen
nostræ mortalitátis induere dignátus
es: obsecrámus imménsam tuæ largi-
tátis abundántiam, ut hoc genus ves-
timénti, quod sancti patres ad inno-
céntiæ et humilitátis indícium abre-
nuntiántes sæculo ferre sanxérunt, tu
ita bene ✠ dicere dignéris, ut hic fá-
mulus tuus (vel fámula tua) N. qui
(vel quæ) hoc indútus (vel indúta) fúe-
rit vestiménto, te quoque induere me-
reátur. Qui vivis et regnas per ómnia
sæcula sæculórum. R. Amen.

Postea aspergit aqua benedicta.

Modus imponendi dictum Sca- pulare.

- V. Adjutorium, etc.
R. Qui fecit, etc.
R. Dóminus vobiscum.
V. Et cum spíritu tuo.

Orémus.

Adésto, Dómine, supplicatióibus no-
Astris: ut hunc fámulum tuum (**vel fá-
mulam tuam**), cui in tuo nómine hábi-
tum Religiónis sanctíssimæ Trinitátis
impónimus, tu ita bene **✠** dicere dig-
néris; ut te largiénte devótus (**vel de-
vóta**) persístat, et vitam cónsequi me-
reátur ætérnam. Per Dóminum nos-
trum Jesum Christum Fílium tuum:
qui tecum vivit et regnat in unitáte
Spíritus Sancti Deus, per ómnia sæcu-
la sæculórum. **R.** Amen.

**Nunc imponitur sacrum Scapulare
a Sacerdote dicente:**

Accipe hábitum sanctíssimæ Trini-
tátis, in augméntum fidei, spei, et ca-
ritátis: in nómine Patris, et Fílii **✠**,
et Spíritus Sancti. **R.** Amen.

V. Dóminus vobíscum.

R. Et cum spíritu tuo.

Orémus.

Omnipotens sempitérne Deus, qui de-
didisti fámulo tuo (**vel fámulæ tuæ**) in

confessióne veræ fidei ætérnæ Trinitá-
tis glóriam agnóscere, et in poténtia
majestátis adoráre unitátem: quæsu-
mus; ut ejúsdem fidei firmitáte ab óm-
nibus semper muniátur advérsis.

Deus, qui per sanctos Joánnem et
Felicem Órdinem sanctíssimæ Trinitá-
tis, ad rediméndum de potestáte Sara-
cenórum captívos, cœlitus institúere
dignátus es: præsta, quæsumus; ut eó-
rum suffragántibus méritis a captivitá-
te córporis et ánimæ, te adjuvánte, li-
berétur hic fámulus tuus (**vel hæc fá-
mula tua**). Per Christum Dnm nos-
trum. **R.** Amen.

Suscípiat te sanctíssima Trinitas in
númerum confrátrum, consororúmque
Confraternitátis nostræ: et licet te in-
digne suscépimus, in oratióibus ta-
men nostris precámur, ut tibi sanctís-
sima Trinitas concédatur tempus bene
vivéndi, constántiam perseverándi; et
sicut nos hódie fratérna caritas spiri-
tuáliter jungit in terris, ita divína pfe-
tas, quæ dilectiós est aucrix et amá-

trix, nos cum fidélibus suis conjúgere dignétur in cœlis. Per Christum Dóminum nostrum. R. Amen.

Datur benedictio, dicendo: Pax et benedictio Dei omnipoténtis, Patris ✠, et Filii ✠ et Spíritus ✠ Sancti descendat super te (vel super vós), et máneat semper. R. Amen.

Benedictio trisagii Ss. Trinitatis.

- V. Adjutórium, etc.
 R. Qui fecit, etc.
 V. Dóminus vobiscum.
 R. Et cum spíritu tuo.

Orémus.

Omnípotens et miséricors Deus, qui per Filium tuum unigénitum, ac per Prophétas et Apóstolos tuos, sanctíssimæ Trinitátis mystérium reveláre dignátus es, ut sanctórum Angelórum choros imitántes in terris, dignas et devótas tibi laudes referámus: tuam

obsecrámus cleméntiam; ut hæc triságia (vel hoc triságium), quæ (vel quod) in honórem et laudem ejúsdem sanctíssimæ Trinitátis ab Ecclésia fidéli dicata sunt (vel dicátum est), bene ✠ dicas, et sanctífices, eisque (vel eisque) tantam infúndas Spíritus Sancti virtútem, ut quicúmque hórum quódlibet portáverit, atque in domo sua reverénter serváverit, seu devóte recitáverit, tua divína virtúte ab ómnibus ánimæ et córporis periculis eruátur; sitque consors et párticeps gratiárum ómnium, privilegiórum et indulgentiárum, quæ ab Apostólica Sede concéssa fuerint; atque in éxitu suo a sanctis Angelis tuis in conspéctu divínæ majestátis præsentári mereátur. Per Dóminum nostrum Jesum Christum, etc.

R. Amen.

Postea aspergatur aqua benedicta.

METHODUS PRO ERIGENDIS

STATIONIBUS VIAE CRUCIS.

(Propria Ordinis Minorum Observantium S.
Francisci.)

Sacerdos superpelliceo et stola violacei coloris indutus, uno saltem clerico adhibito, qui ei opportuno tempore porrigere possit vasculum aquæ benedictæ cum aspersorio, et thuribulum cum incensi navicula, ascendit Altare, ibique stans brevi sermone super præstantia et utilitate pii exercitii Viæ Crucis populum alloquetur. Deinde genuflexus in infimo gradu intonabit Hymnum: Veni, Creator Spiritus, etc. (ut ad calcem libri.)

V. Emitte Spiritum tuum, et creabuntur.

R. Et renovabis faciem terræ.

Orémus.

Deus, qui corda fidelium Sancti Spiritus illustratióne docuisti: da nobis in

eódem Spiritu recta sápere, et de ejus semper consolatióne gaudere.

Defénde, quæsumus Dómine, beáta María semper Vírgine intercedénte, populum istum (vel familiam istam) ab omni adversitate: et toto corde tibi prostrátum (vel prostrátam), ab hostium propítius tuere cleménte insídiis.

Actiões nostras, quæsumus Dómine, adspirádo præveni, et adjuvádo proséquere: ut cuncta nostra orátio et operátio a te semper incípiat, et per te cœpta finiátur. Per Dóminum nostrum Jesum Christum, etc. R. Amen.

Benedictio tabularum pictarum, si adsunt.

V. Adjutórium, etc.

R. Qui fecit, etc.

V. Dóminus vobíscum.

R. Et cum spíritu tuo.

Orémus.

Ómnípotens sempitérne Deus, qui Sanctórum tuórum imágenes sculpi aut

pingi non réprobas, ut quóties illas óculis córporis intuémur, tóties eórum actus et sanctitátem ad imitándum memóriæ óculis meditémur: has, quæsumus, imáginés, in honórem et memóriam unigéniti Filii tui Dómini nostri Jesu Christi adaptátas, bene ✠ dicere, et sancti ✠ ficáre dignéris; et præsta, ut quicúmque coram illis unigénitum Filium tuum suppliciter cólere, et honoráre studérit, illíus méritis et obténtu, a te grátiam in præsentí, et ætérnam glóriam obtíneat in futúro. Per eúndem Christum, etc. R. Amen.

Tunc Sacerdos eas aspergit aqua benedicta, et incensat. In Oratorio privato omitti potest incensatio.

Benedictio Crucium quæ ex ligno esse debent.

V. Adjutórium, etc.

R. Qui fecit, etc.

V. Dóminus vobíscum.

R. Et cum spíritu tuo.

Orémus.

Rogámus te, Dómine sancte, Pater Omnipotens, sempitérne Deus: ut dignéris bene ✠ dicere hæc signa Crucis tuæ, ut sint remédia salutária géneri humano; sint solíditas fidei, bonórum óperum proféctus, et redemptio animárum; sint solámen, et protéctio, ac tutela contra sæva jácula inimicórum. Per Christum Dóminum nostrum.

R. Amen.

Orémus.

Deue ✠ dic, Dómine, has Cruces, quia per Crucem sanctam tuam eripuisti mundum a potestáte dæmonum, et superásti passióne tua suggestórem peccáti, qui gaudébat in prævaricatióne primí hómínis per ligni vétiti sumpciónem.

Tunc Sacerdos eas aspergens dicat:

Sanctificéntur ista Crucis signa in nómine Patris, et Filii, et Spíritus

Sancti: ut orántes, inclinántesque se
propter Deum ante istas Cruces, invé-
niant sanitátem ánimæ, et córporis.
Per Christum Dóminum nostrum.

R. Amen.

Deinde cantátur sequens

Hymnus.

Vexilla Regis pródeunt,
Fulget Crucis mystérium,
Qua vita mortem pértulit,
Et morte vitam prótulit.

Quæ vulneráta lanceæ
Mucrone diro, críminum
Ut nos laváret sórdibus,
Manávit unda, et sánguine.

Impléta sunt, quæ cóncinit
David fidéli cármine,
Dicéndo natió nibus:
Regnávit a ligno Deus.

Arbor decora et fúlgida,
Ornáta regis púrpura,
Elécta digno stípíte

Tam sancta membra tángere.

Beáta, cujus bráchiis
Prétium pepéndit sæculi,
Statéra facta córporis,
Tulitque prædam tártari.

O Crux, ave, spes única,
Hoc passiónis témpore,
Piis adaúge grátiam,
Reisque dele crímina.

Te, fons salútis, Trínitas,
Colláudet omnis spíritus:
Quibus Crucis victóriam
Largíris, adde præmium.
Amen.

Loco Versus Hoc passiónis témpore,
qui dicitur tempore Passionis, tempo-
re paschali dicitur: Paschále quæ fers
gaúdium; alio tempore: In hac triúm-
phi glória.

Hymnus.

Stabat mater dolorósa
Juxta Crucem lacrimósa,

Dum pendebat Filius.

Cujus animam gementem,
Contristatam et dolentem,
Pertransiuit gladius.

O quam tristis et afflicta
Fuit illa benedicta
Mater Unigeniti!

Quæ mœrebat, et dolébat,
Pia mater, dum vidébat
Nati pœnas inclyti.

Quis est homo, qui non fleret,
Matrem Christi si vidéret
In tanto supplicio?

Quis non posset contristari,
Christi matrem contemplari
Dolentem cum Filio?

Pro peccatis suæ gentis
Vidit Jesum in tormentis,
Et flagellis subditum.

Vidit suum dulcem Natum
Moriendo desolatum,
Dum emisit spiritum.

Eja mater, fons amoris,
Me sentire vim doloris
Fac, ut tecum lugeam.

Fac ut ardeat cor meum
In amando Christum Deum,
Ut sibi compláceam. Amen.

Sacerdos accedens ad locum primæ Stationis, osculatur Crucem et tabulam, easque, vel per se, vel per laicum decenti habitu indutum, collocat in loco ad id præparato; deinde legit meditationem et preces huic Stationi respondentem: quod et fiet in ceteris Stationibus.

Quibus finitis cantatur Hymnus Te Deum (ut ad calcem libri).

V. Benedicamus Patrem, et Filium, cum Sancto Spiritu.

R. Laudemus, et superexaltemus eum in sæcula.

Orémus.

Deus, cujus misericordiæ non est numerus, et bonitatis infinitus est the-

saūrus, piſsimaē majestāti tuae procollātis donis grātias agimus: tuam semper clemētiā exorāntes; ut qui pētēntibus postulāta concēdis, eōsdem non dēserens, ad prēmia futūra dispōnas. Per Christum Dōminum nostrum.

R. Amen.

Tum Sacerdos benedicit populum cum Cruce.

Formula ad fidem faciendam
de erectione Viæ Crucis.

Vigore facultatis mihi commissæ Ego
N. N. Viam Crucis cum annexis Indulgentiis erexi in loco ut supra in precibus, etc. juxta regulas a S. Indulgentiarum Congregatione die 10. Maji 1742 præscriptas. In quorum fidem testimonium hoc mea manu exaravi hac die, etc.

BENEDICTIO ET IMPOSITIO

HABITUS **VEL** SCAPULARIS NIGRI
Ss. CRUCIS **ET** PASSIONIS

DOMINI NOSTRI JESU CHRISTI.

(Propria Congr. Cleric. Regularium Ss. Crucis et
Passionis D. N. J. C.)

Sacerdos indutus superpelliceo et stola rubea, eo genuflexo cui Habitus vel Scapulare est imponendum, dicit:

- V. Adjutorium, etc.
R. Qui fecit, etc.
V. Dominus vobiscum.
R. Et cum spiritu tuo.

Orémus.

Dōmine Jesu Christe, qui pro redemptione mundi voluisti nasci, circumcidi, a Judæis reprobāri, á Juda traditōre ósculo tradi, vinctulis alligāri, sicut agnus innocens ad victimam duci, atque conspēctibus Annæ, Cáp̄phæ, Pilāti et Heródis indecēter offerri, a falsis tēstibus accusāri, flagellis et opró-

briis vexari, sputis conspuui, spinis coronari, colaphis caedi, arundine percussu, facie velari, vestibus exui, cruci clavis effigi et lancea vulnerari: tu Domine, per has sanctissimas penas tuas, et sanctam crucem et mortem tuam, hujus famuli tui (vel famulae tuae) intellectum illumina, affectum inflamma, ut caritatis tuae dulcedine perfusus (vel perfusa) lacrymas compunctionis iugiter effundat, totaque virtute te diligat, et quae tibi placita sunt, tota dilectione perficiat. Qui vivis et regnas cum Deo Patre, etc. **R.** Amen.

- V.** Adjutorium, etc.
R. Qui fecit, etc.
V. Sit nomen Domini benedictum.
R. Ex hoc nunc et usque in saeculum.
V. Domine, exaudi, etc.
R. Et clamor meus, etc.
V. Dominus vobiscum.
R. Et cum spiritu tuo.

Orémus.

Domine Jesu Christe, qui tegumen mortalitatis nostrae assumere dignatus es: te humiliter deprecamur; ut hoc indumentum, quod in memoriam tuae sanctissimae Passionis et Mortis institutum fuit, bene **✠** dicere, et sancti **✠** ficare digneris; ut hic famulus tuus (vel haec famula tua), qui (vel quae) ipsum gestaverit, ejusdem Passionis particeps effectus (vel effecta), aeternam gloriam tuam consequi mereatur. Qui vivis et regnas in saecula saeculorum. **R.** Amen.

Hic Sacerdos sacrum Habitum vel Scapulare aspergit aqua benedicta, et illud imponit, dicens:

Induat te Dominus novum hominem, ut hac lugubri penitentiae tessera munitus, iugiter aspicias ad Jesum, quem manus impiorum confixerunt, et doleras super eum, ut doleri solet in morte primogeniti. **R.** Amen.

Deinde subjungit:

Et ego ex facultate mihi concessa recipio te ad participationem omnium bonorum spiritualium, quibus ex Apostolico privilegio gaudet Congregatio Sanctissimæ Crucis et Passiōnis Dōmini nostri Jesu Christi. In nōmine Patris, et Filii ✠, et Spiritus Sancti. Amen.

In fine tandem:

Passiō Dōmini nostri Jesu Christi sit semper in cōrdibus nostris. Amen.

BENEDICTIO

Scapularis rubri Passionis,
sacratissimique
Cordis D. N. J. C. nec non et Cordis
amantissimi et compatientis
B. M. V. Immaculata.

(Propria Congr. Missionum.)

Genuflexo qui suscepturus est Scapulare, Sacerdos superpelliceo et stola rubra indutus, capite detecto, dicat:

V. Adjutorium, etc.

R. Qui fecit, etc.

V. Dōminus vobiscum.

R. Et cum spūritu tuo.

Oremus.

Dōmine Jesu Christe, qui tēgumen nostræ mortalitatis induere dignatus, temetipsum exinanivisti, formam servi accipiens, et factus obediens usque ad mortem Crucis: tuæ largitatis clementiam humiliter imploramus, ut hoc genus vestimentī, quod in honorem et memoriā dolorosissimæ Passiōnis tuæ, tuūque sacratissimi Cordis, necnon et Cordis amatissimi ac compatiētis Immaculatæ Matris tuæ institutum fuit, atque ut illo indūti hæc mysteria devotius recolant, benedícere ✠ digneris; ut hic famulus tuus qui (vel hæc famula tua quæ) ipsum gestaverit, te quoque, per tua mérita et intercessiōnem Beatissimæ Vīrginis Ma-

riæ, induere mereatur. Qui vivis et regnas in sæcula sæculórum.

R. Amen.

Hic Sacerdos sacrum Scapulare aqua benedicta aspergit, et illud imponit, dicens:

Accipe, carissime frater (vel carissima soror), hunc hábitum benedictum, ut véterem hóminem exútus (vel exúta) novúmque indútus (vel indúta) ipsum digne pérferas, et ad vitam pervénias sempitérnam. Per Christum Dóminum nostrum. R. Amen.

Deinde subjungit:

Et ego, ex facultáte mihi concéssa, recípio te (vel vos) ad participatiónem ómnium bonórum spirituálium, quæ per Sanctæ Sedis Apostólicæ privilégium huic sancto scapulári, in grátiam Congregatiónis Missiõnis, concéssa sunt. In nómine Patris, et Filii ✠, et Spíritus Sancti. Amen.

Denique dicatur trina vice versiculus sequens:

Te ergo quæsumus, tuis fámulis súbveni, quos pretiósó Sanguine redemísti!

BENEDICTIO.

CORONARUM PRETIOSISSIMI SANGUINIS.

(Propr. Congr. Miss. Pretios. Sang.)

Constat Corona precatória triginta tribus granulis, in septem distinctis partes, quarum quæque quinque habet granulos, septima parte excepta, quæ tantum tres numerat; ut ita honorentur septem Sanguinis Christi præcipuæ effusiones recitatione 33 Pater noster et 7 Glória.

V. Adjutórium, etc.

R. Qui fecit, etc.

V. Redemísti nos, Dómine, in Sanguine tuo.

R. Et fecisti nos Deo nostro regnum.

- V. Te ergo quaesumus, tuis famulis subveni.
 R. Quos pretioso Sanguine redemisti.
 V. Domine, exaudi, etc.
 R. Et clamor meus, etc.
 V. Dominus vobiscum.
 R. Et cum spiritu tuo.

Orémus.

Omnipotens et misericors Deus, qui propter eximiam charitatem tuam, qua dilexisti nos, Filium tuum unigenitum, Dominum nostrum Jesum Christum, de caelis in terram descendere, et de Beatissimae Virginis Mariae Dominae nostrae utero sacratissimo, Angelo nuntiante, carnem suscipere voluisti, ut nos eriperes de potestate diaboli: obsecramus immensam clementiam tuam; ut has Coronas, in honorem et laudem pretiosi Sanguinis ejusdem Filii tui ab Ecclesia tua fidei dicatas, bene ✠ dicas, et sancti ✠ fices,

eisque tantam infundas virtutem ✠ Spiritus Sancti, ut quicumque harum quamlibet secum portaverit, aut in domo sua reverenter tenuerit, ab omni hoste visibili et invisibili semper et ubique in hoc saeculo liberetur, et post exitum suum, meritis ipsius pretiosissimi Sanguinis, ad aeternam beatitudinem feliciter perveniat. Per eundem Christum Dominum nostrum.

R. Amen.

Aspergantur aqua benedicta

BENEDICTIO

ROSARIORUM B. MARIAE VIRGINIS.

(Prop. Ord. Praedicatorum.)

- V. Adjutorium, etc.
 R. Qui fecit, etc.
 V. Domine, exaudi, etc.
 R. Et clamor meus, etc.
 V. Dominus vobiscum.

R. Et cum spírítu tuo.

Orémus.

Omnipotens et miséricors Deus, qui propter exímiam charitátem tuam, qua dilexísti nos, Fílium tuum unigénitum, Dóminum nostrum Jesum Christum, de cœlis in terram descéndere, et de Beatíssimæ Vírginis Mariæ Dóminæ nostræ útero sacratíssimo, Angelo nuntiánte, carnem suscépere, crucémque ac mortem subíre, et tértia die glorióse a mórtuis resúrgerere voluísti, ut nos eríperes de potestáte diabóli: obsecrámas imménsam cleméntiam tuam: ut hæc signa Rosárii, in honórem et laudem ejúsdem Genitrícis Fílii tui ab Ecclesiá tua fidéli dicáta, bene † dñcas, et sanctí † fices, eisque tantam infúndas virtútem Spírítus Sancti, ut quicúmque horum quódlibet secum portáverit, atque in domo sua reveréter tenuerit, et in eis ad te, secúndum hujus sanctæ Societátis institúta, dívina contemplánde mystéria devóte oráverit, salú-

bri et perseveránti devotióne abúndet; sitque consors et párticeps ómnium gratiárum, privilegiórum, et indulgentiárum, quæ eidem Societáti per sanctam Sedem Apostólicam concéssa fuérunt, ab omni hoste visíbili et invisíbili semper et ubíque in hoc sæculo liberétur, et in éxitu suo ab ipsa Beatíssima Vírgine María Dei Genitríce tibi plenus bonis opéribus præsentári mereátur. Per eúmdem Dóminum nostrum Jesum Christum, etc.

R. Amen.

Deinde aspergantur aqua benedicta.

Absolutio impartienda Confratribus Rosarii in articulo mortis constitutis.

(Propria Ord. Prædic.)

Dicto Confiteor, etc. Sacerdos dicat: Misereátur, etc. et Indulgéntiam, etc.

Deinde:

Dóminus noster Jesus Christus, Fílius Dei vivi, qui beáto Petro Apóstolo

suo dedit potestatem ligandi et solvendi, per suam piissimam misericordiam recipiat confessionem tuam, et remittat tibi omnia peccata, quaecumque et quomocumque in toto vitae decursu commisisti, de quibus corde contritus et ore confessus es; restituens tibi stola primam, quam in baptismo receperisti. Et per indulgentiam plenariam, a Summis Pontificibus Innocentio Octavo et Pio Quinto, Confratribus sanctissimi Rosarii in articulo mortis constitutis concessam, liberet te a presentis ac futurae vitae poenis; dignetur purgatorii cruciatus remittere, portas inferni claudere, paradisi januam aperire, teque ad gaudia sempiterna perducere: per sacratissima suae vitae, passionis et glorificationis mysteria, sanctissimo Rosario comprehensa. Qui cum Patre et Spiritu Sancto Deus unus vivit et regnat in saecula saeculorum.

R. Amen.

BENEDICTIO HABITUS

—AC RECEPTIO CONFRATRUM

B. M. V. DE MONTE CARMELO.

(Propria Ord. Carmelitarum.)

Sodalitati huic nomen daturus, ipso die ad Poenitentiae atque Eucharistiae Sacramenta accedat, ut plenariam Indulgentiam a Paulo V. concessam lucrari valeat.

Si fieri potest, Scapulare benedicendum est ad Altare Beatissimae Virginis Mariae de monte Carmelo, duobus ce reis accensis.

Sacerdos superpellicum induat, una cum stola albi coloris.

Genuflexo qui habitum recipit, Sacerdos stans dicat:

*S*uscipimus, Deus, misericordiam tuam in medio templi tui: secundum nomen tuum, Deus, sic et laus tua in fines terrae: iustitia plena est dextera tua.

Kyrie eléison. Christe eléison. Kyrie eléison.

Pater noster. secreto.

V. Et ne nos inducas in tentatió-
nem.

R. Sed libera nos a malo.

V. Salvum fac servum tuum.

R. Deus meus, sperántem in te.

V. Mitte ei, Dómine, auxiliúm de
sancto.

R. Et de Sion tuére eum.

V. Nihil proficiat inimícus in eo.

R. Et filius iniquitátis non appó-
nat nocére ei.

V. Dómine, exaúdi, etc.

R. Et clamor meus, etc.

V. Dóminus vobíscum.

R. Et cum spíritu tuo.

Orémus.

Suscípiat te Christus in número fidé-
lium suórum, et nos, licet indigni, te
suscípiamus in oratióibus nostris. Con-
cedat tibi Deus per Unigénitum suum,

mediatórem Dei et hóminum, tempus
bene vivéndi, locum bene agéndi, const-
tántiam bene perseverándi, et ad atér-
næ vitæ hæreditátem feliciter perve-
niéndi: et sicut nos hódie fratérna chá-
ritas spirituáliter jungit in terris, ita
divína píetas, quæ dilectiós est aue-
trix et amátrix, nos cum fidélibus suis
conjúngere dignétur in cælis. Per eúm-
dem Christum Dóminum nostrum.

R. Amen.

V. Adjutórium, etc.

R. Qui fecit, etc.

V. Sit nomen Dómini benedíctum.

R. Ex hoc nunc, et usque in sæcu-
lum.

V. Dómine, exaúdi, etc.

R. Et clamor meus, etc.

V. Dóminus vobíscum.

R. Et cum spíritu tuo.

Orémus.

Éterne Pater et omnípotens Deus, qui
Unigénitum tuum vestem nostræ

mortalitatis induere voluisti: obsecramus, immensam tuæ largitatis benedictionem in hoc genus effluere vestimenti, quod sancti Patres ad innocentiae et humilitatis indicium a renuntiantibus sæculo gestari sanxerunt; et sic ipsum bene **✠** dicere digneris, ut quicumque eo usus fuerit, induere mereatur ipsum Dóminum nostrum Jesum Christum Fílium tuum: qui tecum vivit et regnat in unitate Spíritus Sancti Deus, per ómnia sæcula sæculórum. **R.** Amen.

Orémus.

Supplíciter te, Dómine, rogámus, ut super hunc hábitum servo tuo (*vel ancillæ tuæ*) imponéndum bene **✠** dictio tua benigna descendat: ut sit bene **✠** dictus, atque divína virtúte procul pellántur hóstium nostrórum visibílium et invisibílium tela nequíssima.

R. Amen.

Aspergat habitum aqua benedicta, et imponendo dicat:

Accipe vir devóte (*vel devóta múlier*) hunc hábitum benedíctum: precántes sanctíssimam Vírginem, ut ejus méritis illum pérferas sine mácula, et te ab omni adversitaté deféndat, atque ad vitam perdúcat ætérnam.

R. Amen.

Adésto, Dómine, supplicatióibus nostris: et hunc fámulum tuum (*vel hanc ancillam tuam*), quem (*vel quam*) Sodalitati sanctæ Religiónis Carmelitárum sociámus, perpétua tribue firmitate corroborári, ut perseveránti propósito, in omni sanctitate tibi váleat famulári.

Prótege, Dómine, fámulum tuum (*vel ancillam tuam*) subsidiis pacis: et Beátæ Mariæ semper Vírginis patrocinii confidéntem, a cunctis hóstibus redde secúrum (*vel secúram*).

Bene **✠** dicat te cónditor cæli et terræ, Deus omnípotens, qui te eligere dignátus est ad Beatíssimæ Vírginis Mariæ de Monte Carmélo Societátem

et Confraternitatem: quam precamur, ut in hora obitus tui conterat caput serpentis, qui tibi est adversarius; et tandem tamquam victor palmam, et coronam sempiternae hereditatis consequaris. Per Christum Dominum nostrum. R. Amen.

Si autem habitus solum sit benedicens, incipitur a V. Adjuvium nostrum, usque ad orationem Suppliciter, inclusive.

Deinde aspergat Confratrem aqua benedicta, et subjungat:

Ego, auctoritate qua fungor, et mihi concessa, recipio te ad Confraternitatem sacrae Religionis Carmelitarum, et investio, ac participem te facio omnium bonorum spiritualium ejusdem Ordinis. In nomine Patris, et Filii, et Spiritus Sancti. Amen.

His expletis describatur Confratris nomen in codice Confraternitatis, et paucis, sed efficacioribus verbis Sacerdos eum adhortetur ad caute, pie, sancte

teque vivendum, ne Deiparam offendat, quam in posterum peculiari devotionis obsequio et affectu colere, ac veluti singularem ac dulcissimam matrem prosequi fas erit.

Absolutio impertienda Confratribus B. M. V. de Monte Carmelo in articulo mortis constitutis.

(Propr. Ord. Carmelit.)

Cum Sacerdos ingressus fuit infirmi cubiculum, dicat:

V. Pax huic domui.

R. Et omnibus habitantibus in ea.

Deinde imposita stola violacei coloris, aspergat agrum et circumstantes aqua benedicta in modum crucis, dicens:

Asperges me, Domine, hyssopo, et mundabor: lavabis me, et super nivem dealabor.

Miserere mei, Deus, secundum magnam misericordiam tuam. *Gloria Patri. Sicut erat.*

Et repetitur Antiph.

Asperges me, etc.

V. Salvum fac servum tuum.

R. Deus meus, sperantem in te.

V. Nihil proficiat inimicus in eo.

R. Et filius iniquitatis non apponat nocere ei.

V. Mitte ei, Domine, auxilium de sancto.

R. Et de Sion tuere eum.

V. Domine, exaudi, etc.

R. Et clamor meus, etc.

V. Dominus vobiscum.

R. Et cum spiritu tuo.

Oremus.

Exaudi nos, Domine sancte, Pater omnipotens, æternæ Deus: et mittere digneris sanctum Angelum tuum de cælis; qui custodiat, foveat, protegat, visitet, atque defendat omnes habitân-

tes in hoc habitaculo. Per Christum Dominum nostrum. *R. Amen.*

Deinde genuflexus dicat Litanias B. M. V. ut ad calcem libri.

Kyrie eléison. Christe eléison. Kyrie eléison.

Pater noster, et Ave María.

Sub tuum præsidium confugimus, sancta Dei Génitrix: nostras deprecationes ne despicias in necessitatibus nostris, sed a periculis cunctis libera nos semper, Virgo gloriosa et benedicta. Domina nostra, mediatrix nostra, advocata nostra, tuo eum Filio reconcilia, tuo eum Filio repræsenta.

V. Ora pro eo, sancta Dei Génitrix.

R. Ut dignus efficiatur promissionibus Christi.

V. Domine, exaudi, etc.

R. Et clamor meus, etc.

V. Dominus vobiscum.

R. Et cum spiritu tuo.

Orémus.

Prótege, Dómine, fámulum tuum (vel fámulam tuam) subsidiis pacis: et Beátæ Mariæ semper Vírginis patrocinii confidentem, a cunctis hóstibus redde secúrum (vel secúram).

Sanctíssimæ Genitrícis tuæ Sponsi, quæsumus Dómine, méritis adjuvémur: ut quod possibilitas nostra non obtinet, ejus nobis intercessióne donetur.

Omnípotens et miséricors Deus, qui humáno géneri et salutis remédia, et vitæ æternæ subsidia contulísti: respice propptius fámulum tuum (vel fámulam tuam), infirmitáte córporis laborántem, et ánimam réfove quam creásti; ut in hora éxitus illius absque peccáti mácula tibi Creatóri suo per manus sanctórum Angelórum repræsentári mereátur.

Deus, infirmitátis humánæ singuláre præsidium: auxili tui super infirmum fámulum tuum (vel infirmam fá-

mulam tuam) osténde virtútem; et sic eum grátia tua confirmáre dignéris, ut in hora mortis ejus non præváleat contra eum (vel eam) adversárius, sed cum Angelis tuis tránsitum habére mereátur ad vitam.

Omnípotens, sempitérne Deus, qui Montis Carméli Ordinem, gloriósæ Vírginis Matris Mariæ sacráto título insignítum, sanctórum tuorum Eliæ, Angeli, Cyrilli, Albérti, Terésia, et aliórum plurimórum sanctórum méritis decorásti: tribue, quæsumus; ut per eórum mérita et suffrágia ab instántibus ánimæ et córporis malis, et perículis liberátus (vel liberáta), ad te verum Carméli vérticem gaudens pervenire mereátur. Per Christum Dóminum nostrum. R. Amen.

His absolutis dicatur Confíteor, deinde Sacerdos stans dicat:

Misereátur tui, omnípotens Deus, et dimíssis peccátis tuis perdúcat te ad vitám ætérnam. R. Amen.

Indulgentiam, absolutiōnem, et remissionem peccatorum tuorum tribuat tibi omnipotens et misericors Dominus. R. Amen.

Orémus.

Deus omnipotens, salvator et redemptor generis humani, qui Apostolis suis dedit ligandi et solvendi potestatem: ipse te absolvere dignetur ab omnibus iniquitatibus tuis; et quantum meae fragilitati permittitur, auxiliante ipso sis ab ✠ solutus (vel absoluta) ante faciem ejus. Qui vivit et regnat, etc. R. Amen.

Deinde conferat Indulgentiam plenariam in hac formula:

Concedo tibi indulgentiam plenariam peccatorum tuorum, facultate mihi concessa et commissa virtute Bullarum Ordinis Carmelitarum: quod si praesens mortis periculum, Deo favente, evaseris, sit tibi haec indulgentia pro vero mortis articulo reservata. In no-

mine Patris, et Fi ✠ lii, et Spiritus Sancti. Amen.

¶ Preces in casu necessitatis possunt omitti, et illico agro absolutio impertiri, antequam e vita discedat.

BENEDICTIO ET IMPOSITIO

SCAPULARIS CAERULEI B. MARIAE
V. IMMACULATAE.

(Propt. Cler. Regul. Theatinorum.)

Qui suscepturus est Scapulare, genua flectat: et Sacerdos superpelliceo et stola alba indutus, capite detecto, dicat absolute:

V. Adjutorium, etc.

R. Qui fecit, etc.

V. Dominus vobiscum.

R. Et cum spiritu tuo.

Orémus.

Domine Jesu Christe, qui tegimen nostrae mortalitatis induere dignatus